

**PLOTËSIM NË VENDIMIN NR. 697, DATË 30.10.2019, TË KËSHILLIT TË
MINISTRAVE PËR DISA NDRYSHIME NË VENDIMIN NR. 319, DATË 15.4.2015, TË
KËSHILLIT TË MINISTRAVE, “PËR MIRATIMIN E STRATEGJISË
NDËRSEKTORIALE PËR REFORMËN NË ADMINISTRATËN PUBLIKE 2015–2020”,
TË NDRYSHUAR**

Vlerësimi i ri i kostos për planin e ri të aktiviteteve të strategjisë për periudhën 2018–2022


Përcaktimi i koston së realizimit për planin e ri të aktiviteteve për periudhën 2018–2022 u realizua nëpërmjet procesit të vlerësimit të koston potenciale të nevojshme për realizimin e aktiviteteve dhe nënaktiviteteve (produkteve) të parashikuara, nga secili institucion i cili ka përgjegjësinë kryesore në realizimin e këtyre aktiviteteve. Gjithashtu, ky proces është bazuar dhe në vlerësimet aktuale të realizuara në kuadër të projekteve të ndryshme të cilat financojnë një sërë reformash në administratën publike shqiptare dhe kanë si institucione përfituese, institucionet e përfshira në zbatimin e këtij plani veprimi. Duhet të theksohet se kostimi i bërë në momentin e miratimit të strategjisë të SNRAP 2015–2020, për aktivitetet e periudhës 2018–2020 është përfshirë në kostimin e ri.

Fondet e vlerësuara të nevojshme për zbatimin e aktiviteteve të planit të ri të SNRAP-së, për periudhën kohore 2018–2022, parashikohet të jenë në nivelin 1.97 miliardë lekë ose rreth 15.1 milionë euro (për qëllime llogaritje kursi i këmbimit EUR/ALL 1=130), të detajuara sipas lidhjes 2/1, “Vlerësimi i detajuar i koston për zbatimin e Strategjisë Ndërsektoriale për Reformën e Administratës Publike për Planin e Veprimit për Periudhën 2018–2022”. Në kostimin e strategjisë për disa aktivitete nuk është përfshirë kostoja administrative (pagesa e nëpunësve, të cilët kryejnë aktivitetet e tyre për shkak të detyrave të tyre funksionale), si dhe nuk janë kostuar 7 aktivitete, të cilat lidhen me procedurat e thjeshtuara për ofrimin e shërbimeve dhe zhvillimin e infrastrukturës TIK, për arsye se kjo varet nga proceset që paraprijnë këto aktivitete.

Tabela 4: Kostoja e financimit sipas fushave për periudhën 2018–2022

Fusha	Vlera (000 lekë)
Politikëbërja dhe cilësia e legjislacionit	211,280
Organizimi dhe funksionimi i Administratës Publike	1,293,800
Shërbimi civil: Menaxhimi i Burimeve Njerëzore	92,691
Procedurat Administrative dhe Mbikëqyrja	374,387
Totali	1,972,158

Grafiku nr. 4 Peshat specifike të koston sipas fushave të SNRAP




Siç vihet re, nga tabela 4 më sipër, peshën më të madhe në koston totale të këtij plani e zënë shpenzimet për zbatimin e aktiviteteve në fushën e organizimit dhe të funksionimit të administratës publike, të cilat janë kryesisht investime në fushën e inovacionit, ku peshën kryesore e zënë investimet për sistemin IPSIS dhe objektivat që lidhen me përmirësime të shërbimeve ndaj publikut, me qëllim rritjen e eficiencës, transparencës dhe komunikimit me publikun, të cilat, në një masë të madhe, përfshijnë një reformë të thellë në drejtim të infrastrukturës së teknologjisë së informacionit.

Shpenzimet për ICT-në zënë gati 63% të totalit të investimeve të nevojshme për zbatimin e reformës në administratën publike në vitet e ardhshme. Krahasuar me planet e mëparshme, atë të 2015–2017-ës dhe 2018–2020-ës, shpenzimet e trajnimet kanë pësuar një rritje në peshë specifike, duke arritur në nivelin 16% në planin e ri. Kjo rritje e peshës specifike vjen dhe si rezultat i zbatimit të programit të shkëmbimit të eksperiencës së nëpunësve të rinj të administratës publike, program i financuar me fondet IPA, në masën 2 milionë euro.

Tabela 5: Zërat e shpenzimeve për periudhën 2018-2022

Zërat	Vlera (000 lekë)
Fond page	104,981
Shpenzime trajnimi	323,972
Ekspertizë	275,869
Investime ICT	1,248,966
Shpenzime të tjera	18,370
Totali	1,972,158

Grafiku nr. 5 Peshat specifike e kostos sipas zërave të SNRAP




Sa u takon burimeve të financimit të planit të ri të veprimt, mbështetja nga financimet e huaja përlogarit të jetë në masën 44%, ndërkohë që buxheti i shtetit mbulon 48% të kostove të këtij plani veprimi. Niveli i boshllëkut financiar përlogarit të jetë vetëm 8%, siç ilustron në grafikun më poshtë.

Tabela 6: Burimet e financimit 2018-2022

Fusha	Vlera (000 lekë)
Buxheti i shtetit	944,391
Financim i Huaj	875,535
Hendek financiar	152,232
Totali	1,972,158

Grafiku nr. 6 Peshat specifike sipas burimeve të financimit



Në krahasim me Planin e Aktiviteteve 2018–2020, plani i ri i aktiviteteve të strategjisë për periudhën 2018–2022 ka një kosto të shtuar prej 252`004, në mijë lekë, nga të cilat:

- 38`458, në mijë lekë, parashikohen të mbulohen nga buxheti i shtetit në Programin Buxhetor Afatmesëm 2020–2022, si kosto të punonjësve të institucioneve që janë të përfshirë në zbatimin e kësaj strategjie, punonjës të cilët janë të angazhuar dhe kanë detyrë funksionale realizmin e aktiviteteve të parashikuara;

- 128,528, në mijë lekë, parashikohen të mbulohen nga financimi i huaj nga partnerët e zhvillimit;

- dhe 85,018, në mijë lekë, është shtesa në boshllëkun financiar, vlerë e cila mund të ulet më tej nëse një pjesë e aktiviteteve të planifikuara do të mbështeten nga OECD/SIGMA, në fusha ku asistencja e kësaj të fundit ka qenë e rëndësishme për qeverinë, si: RIA, konsultimi publik etj.